



Progettu "EU FAÉDDHU GADDHURÉSU"
finanziatu da la L. 482/1999, artt. 9 e 15 e L.R. 22/2018 – annualitai 2021



Comuni di Lungòni

PRUÍNCIA DI SASSARI

VILBALI DI DILIBBARAZIONI DI LA 'JUNTA COMUNALI

N° 12 di lu 24/02/2022

UGGHJETTU: ATTU DI INDIRIZZU PAL AFFIDAMENTU DI LU SILVÍZIU RELATIVU A "INTILVENTI DI SISTEMAZIONI E DI PULIZZIA DI LI STRADI (CUNETTI E BANCHINI), POSTI ILLI STRADI FORA DI LU PAESI MA CHI SO ILLU TARRATÒRIU COMUNALI, A FAORI DI COPERATIVI SOCIALI DI TIPU B), A LI SENSI DI LA LEGGHJI DI LA DÍ 8 DI SANTIGAINI DI LU 1991 N.381.

L'annu duimiliavintidui la dí vinticattru di lu mesi di Friagghju a li 3 di sirtintina, illa Sedi Comunali, dapoi aé cumpritu li fulmalitai prescritti da la Legghji e da lu Statutu, s'è riunita suttu a la prisidènzia di la Síndaca Nadia Matta la 'Junta Comunali. Paliticippigghja a la riunioni e è incaricatu di scrí lu prisenti vilbali lu Vice Segretàriu Dott.ssa Maria Vittoria Rasenti.

Intilvenini li Signori:

N°	Cualífica	Nommu	Prisenti	Assenti
<u>1</u>	Síndaca	MATTA NADIA	X	
<u>2</u>	Vice Sindaci	MURA ANTONIO	X	
<u>3</u>	Assessori	COPPI SAMANTA	X	
<u>4</u>	Assessori	CAREDDU CATERINA SANDRA		X
<u>5</u>	Assessori	SCOLAFURRU FABRIZIO	X	
<u>6</u>	Assessori	AZARA DOMENICO	X	

PRISENTI: 5 ASSENTI: 1

Lu Presidenti, ricunnotta ligali l'accudita dichjara abbalta la riunioni e invita la 'Junta Comunali a trattà l'algumentu in ugghjettu:

LA 'JUNTA COMUNALI

PRIMISSU CHU:

- Lu tarratòriu di lu Comuni di Lungòni s'allalga illa fascia di costa da la foci di lu Riu Liscia e finz'a lu cumenciu di la spiiaghja di Rena Majori, posta a lu cunfini cun lu Comuni di l'Aglientu, pa' in tuttu 72 km di costa, undi s'agattani celti di li spiaghgi più cunnottti di la Saldigna di tramuntana, comu anocra insembi a spiaghgi minori, tanti chi parò no poni esse ragghjunti cun li macchini palchí no ani stradi pal arriavvi, comu puru stradi fora di lu paesi chi attraessani tuttu lu tarratòriu, in palticolare la strada statali 133 bis chi colleghighja lu centru capolocu cun lu poltu e l'aeropoltu di Tarranóa, o la strada princiiali n.90 chi colleghighja cun Sassari, cun l'aeropoltu di Alghero e lu poltu Porto Torres;
- Da la data di lu 01.01.2012, aendi chistu Comuni adirutu a lu sistema di accapitu e smaltimentu di li RR.SS.UU. appaltatu in folma "Consortile" da l'Unioni di li Comuni Alta Gaddhura di Témpiu e, no essendi indrentu a l'aaplto di lu cunsólziu, chisti intilventi di sistimazioni di li stradi posti for di lu paesi, ma chi so indrentu a lu tarratòriu comunali, paltantu lu Comuni di Lungòni, dapo e finz'a lu 2021, è intilvinuto dapareddu pal mezu di una sola procedura d'appaltu pa' l'affidamentu di chistu silvíziu;
- tra li finalitai e l'obiettivi generali di l'Amministrazione, cunsiderata la vocazioni di lu tarratòriu liatu a l'indùstria di lu turismo, à evidinziatu la nizissitai di garantí sempri più valiulu lu silvíziu di pulizzia di tutti li stradi (banchini e cunetti), soprattutto illi stradi undi si passa di più, tinutu contu di li fraggilitai mabientali chi vinculighja lu sviluppu di l'attivitai economichi illu tarratòriu comunali;
- li misuri a faori di lu sviluppu sustinibbili di lu tarratòriu sò direttamenti liati a lu pissighimentu di l'obiettivu spezificu di assigurà la vitalitai di li so' strutturi ricettivi e dunca la pelmanenza di li cundizioni boni puru e soprattutto di li stradi fora di lu paesi, innantu a li cali illa stasgioni di lu statiali ghjira tutta la popolazioni chi si moi liati a lu muimentu turisticu, middhurendi li dotazioni di li infrastrutturi e dunca lu tenori di la 'ita, contribundi a lu pissighimentu di lu primmu obiettivu chi si poni lu Comuni ch da lu turismo trai la più manna fonti di sustinibilitai economica di la so' popolazioni risidenti;

CUNSIDARATU CHI:

- lu Sittori Òpari Pùbbrichi e Infulmatica à paratu l'atti tennicu-economici pal l'affidamentu in appaltu di lu silvíziu trattatu, chi rappresenta lu documentu tennicu chi dé guidà lu silvíziu di pulizzia di li stradi chi s'agattani illu tarratòriu comunali di Lungòni;
- l'atti tennichi ditti primma fissani li linii-ghida tennichi pal la fatta di lu silvíziu undi sò spizzificati li requisiti mimini chi deni ritinessi palti intigranti di lu Capitolatu Speciali d'Appaltu, individuendi appiù, un'olganizzazioni lu meddhu pussibbuli di lu silvíziu di pulizzia rinchestu, a lu scopu di scindacà chissi nizissiatu di mezi-passunali-frunimenti e, dunca di stimà l'impoltu nizissariu pal la fatta di lu silvíziu;
- la ditta paltizipanti a la gara a arà la facultai di stabilí un'olganizzazioni differenti, aumintendi li fracuenzi di esecuzioni e adottendi mezi e frunituri ritinuti più boni pal li finalitai di lu silvíziu, fatti salvi li requisiti miminali e l'aduzioni di li tennichi rinchesti pal accapità l'alga illi vari frazioni e pal la pulizzia manuali di li stradi (banchini e cunetti) ugghjettu di l'appaltu, da ritinessi vinculantanti;

CUNSIDARATU. puru. chi:

- lu progettu in argumentu priidi la pulizzia di li stradi (banchini e cunetti), comu puru li spiazzi chi cunsentini a li macchini di palcheggjassi, posti in tuttu lu tarratòriu comunali e in paticulari illa fascia di la costa presenti illu tarratòriu comunali e, tendi a risolví li problemi relativi a l'intensu usu turisticu di fascia di la costa mattessi e di cunsighènzia a l mantinimentu di li cundizioni boni di pulizzia e di dicoro ambientali;
 - lu presenti progettu si collochighja in un'ampra programmazioni pal la tutela e la salvagaldia ambientali di lu tarratòriu comunali, cun fatti chi tendini a scancellà li muttii di l'incuinamentu, supratuttu illa costa chi illu trettu di lu istiu è più fracuantatu;
 - in un cuntestu ulbanu e di lu paesaghju rispittosu di l'ambienti, sò più manni li pussibbilitai di aumintà lu sittori turisticu e, paltantu, la rializzazioni di un'offelta di li silvizzi di igieni ambientali più valúulu pal li turisti chi affollani li spiaghgi di lu tarratòriu comunali, in tretti no più limitati solamenti a li mesi di lu statiali ma, estesi a mesi di lu branu e di l'ottognu, data a lu clima bonu e la biddhesa di li lóchi, e d'alta palti, lu ricunnuscimenu da abbeddhu ani di "Bandiera Blu d'Europa" pal la spiaghja più cunnotta "La Rena Bianca", chi s'agatta a li pedi di lu centru di lu capolocu e, illu 2014 puru pal la spiaghja di li "dui mari" in Capotesta, d'esse ancora più tutelatu prummuendi tutti li iniziativa fatti la salvagaldia di l'ambienti;

DATU ATTU CHI:

- li potenzialitai turisticchi di l'area intrea sò abbeddhu alti e in chistu momentu sfruttati solamenti in mimina palti e chi, poni rapprisintà siddhu aggalamenti sfruttati, un volanu fondamentali e indispensabbili pal la comunitai di Lungòni e, l'oppoltunu completamentu di una politica turisticu ambientali e economica in linea cun l'obiettivi di sviluppu pissighiti da l'olganì statali e comunitari;
 - risulta fundamintali dunca priidé un efficaci silvíziu di pulizzia di li stradi e cuntrollu di chisti siti, cun la predisposizioni idoneu progettu chi, sarà sviluppatu in tuttu l'annu, siddhu puru differentimenti scagliunatu illi divessi tretti di tempu (arru/istiu), sigundu li dati relativi a la fracuentazioni di la popolazioni, supratuttu di chissa liata a la stasgiunalitai;
 - li cumpultamenti di l'ómu in generali, no sempri rispittosi di l'ambienti chi ci cilocunda, tendini a ghjittaci tutti li materiali, supratuttu saccheddhi e àmbuli di plastica, vitru, papéri e chissu chi no si pó più trattà, cun lu solu risultatu chi, chisti cumpultamenti innescani un'azioni cumbianta di fenomani chi trasfolmani l'ambienti in lócu di degradu in cuntrastu a un'attivitai turistica chi 'ò di bon livellu, da chici la nizissitai di stabilí una strategia d'azioni chi poltia a la rializzazioni di un pianu di pulizzia di li stradi (banchini e cunetti) in tutti li stradi fora di lu paesi, ma chi l'agattani illu tarratòriu comunali;
 - chista pusizioni generighja una cunsighenti degradu duutu a cumpultamenti no sempri zivili da palti di l'utenti, chi imbruttani li lóchi ghjittendhi in dugna lócu l'alga e altu materiali (papéri, botti di latta, àmbuli, ecc), chi tutti li dí deni esse accapitati e pultati illi centri di smaltimentu;

RILIATU chi li pussibbulitai olganizzativi di lu silvíziu pal mezu di l'attivitai di ditti estelni si poni assumí illi sighenti proceduti:

- appaltu pal lu scindimentu di una ditta estelna, da fassi illu rispettu di lu regulamentu comunali pal l'acuisti e li frunituri di la legghji di sittori;
- affidamentu direttu pal mezu di cunvéniu cun sooperativa sociali di tipu B), cussí comu priistu da la Legghji di la dí 8 di santigaini di lu 1991, n.381 – Disciplina di li cooperativi sociali, cussí comu mudificatu da l'alt. 20 di la Legghji di la dí 6 di Friaggghju do lu 1996;

RILIATU, appiù chi, la 'ulintai politica è chissa di pruvvidé a la fatta di lu silvíziu gestionali da trattassi pal mezu di l'affidamentu a Cooperativi Soiali di tipu B), puru cun lu scopu di privilegià la criazioni di oppoltunità di insirimentu illu mundu di lu trabaddhu pal passoni chi s'agattani in categorii svantagghjati, presenti illu tarratòriu;

RITINUTU dunca oppoltunu avvalessi di li facultai priista da l'alt. 5, comma 1, di la legghji di la dí 8 di santigaini di lu 1991, n. 381 – Disciplina di li cooperativi sociali, cussí comu mudificatu da l'alt.

20 di la legghji di la dí 6 di friagghju di lu 1996 – chi privédi: “L’enti pubblici, ..., puru in dèroga a la disciplina in materia di cuntratti di la pùbblica amministrazioni, poni stipulà cunveni cun li cooperativi chi svolgini l’attivitai di l’alt. 1, comma 1, littara b), ..., pal la frunitura di beni e silvizi differenti da chissi sociosani e educativi lu cali impoltu stimatu a lu nettu di l’IVA sia di suttu a l’impolti stabbiluti da li direttivi comunitari in materia di appalti pùbbrichi, basta chi chisti cunveni siani finalizzati a crià oppoltunitai di trabaddhu pal li passoni dannigghjati comu inghjittatu da l’alt. 4, comma 1”;

AMMINTATU chi l’alt. 1 di la Legghji di lu 08.11.1991 n. 381 affelma chi li Cooperativi Sociali ani lu scopu di pissighí l’intaressu generali di la comunitai a la prumuzioni umana e a l’integrazioni sociali di li zittadini e chi, pal chistu muttu poni stipulà cunveni cun l’enti pùbbrichi, ancora in dèroga a la disciplina di li cuntratti, pal la frunitura di beni e silvizi differenti da chissi socio-sanitari e educativi, basta chi siani finalizzati a crià veri oppoltunitai di trabaddhu pal li passoni dannigghjati cussí comu difinuti da la legghji mattessi;

PRESU ATTU di l’utilitai sociali e di l’impoltanza di aderí a chistu indirizzu regionali pal dà un signali di avvaloramentu di li risossi presentu illu tarratòriu di lu Comuni di Lungòni impignati ill’attivitai di prumuzioni di la comunitai locali, cun palticulari attinzioni a li fasci debbuli di la popolazioni sustinendi li cooperativi sociali illi palticossi di integrazioni sociali e di trabaddhu intrapresi cun riferimentu a li passoni in cundizioni di svantagghju chi stani illu tarratòriu comunali;

VISTU l’alt 3 di lu TUEL 267/2000 chi deffini cali funzioni essenziali di l’enti chissi rappresintà la pràppia comunitai, di curanni l’intaressi e culdinà lu sviluppu e ritinendi in chistu sensu còmputu di l’Amministrazioni valorizzà li risossi presentu illu tarratòriu e impignati illa prumuzioni di la comunitai locali cun palticulari attinzioni a li fasci debbuli di la popolazioni;

RITINUTU di prezzisà finz’abali chi la procedura di affidu direttu di la frunitura di beni e silvizi a la cooperazioni sociali andarà fatta direttamenti da li Responsabbili di Silvíziu intarissatu pal materia a mezu propri pruvvidimenti;

DATU ATTU chi l’alt. 52 di lu Còdici di li cuntratti pùbbrichi à una clausola di salvagaldia (“A palti li legghji in vigori innantu a li cooperativi sociali e innantu a l’impresi sociali”) chi inghjitta chi tuttu lu chi rigalda la cooperazioni sociali felma pienamenti in vigori, risultendi cunfilmata l’intangibilitai di la relativa normativa pal cantu atteni a l’affidamenti diretti comu si intendi ill’alt. 5, comma 1

CUNSIDARATU chi:

- a lu scopu di recuperà e insirí in maniera attiva e cuscenti illa comunitai li passoni dannigghjati, lu Comuni di Lungòni ricunnosci, comu strumentu essenziali pal lu supperamentu di la cundizioni di avvilitamentu di la passona divessamenti àbbili o cantecali dannigghjata e pal la piena rializzazioni di la pròppia vocazioni di un ómu, l’impegnu di un progetto di trabaddhu passunalizatu e individuali;
- lu strumentu di la cooperazioni sociali risulta esse unu di li più boni pal ragghjunghí l’obiettivi primma inghjittati ancora e supratuttu in una situazioni economica di alta concorrènza chi cundiziona lu malcatu di lu trabaddhu e no cuncurri a producí occasioni di trabaddhu pal li passoni dannigghjati;
- è intendimentu di chista Amministrazioni Comunali di scindacà celtecali silvizi da affidà a li Copeativi Sociali di tipu B) comu a la Legghji 381/1991;
- lu sciòaru di gistioni di un silvíziu pal mezu di un cunveniù direttu avveni in cunfulmitai di li dispuzioni comu inghjittatu da l’altt. 117 e 118 di la Custituzioni, L. 381/1991, L. 328/2000 e DPCM di la dí 30 di malzu di lu 2001, D.Lgs. 163/2006, e agatta rializzazioni ill’esigenzi di natura sociali, tennico-olganizzativa e economichi da palti di la pùbblica amministrazioni e pal ‘ulintai di faurí l’insirimentu illu trabaddhu, pal mezu di la presentu cunveniù, di passoni in situazioni di disagghju sociali;

CUNSIDARATU chi l’impoltu complessivu a basi d’appaltu è ditilminatu “forfettariamente” in €. **43.128,99/annuo** (di cui Euro 41.613,02 pal impotu trbaddhi sugghjetti a ribassu d’asta, e € 1.515,97

pal li calchi di la siguresa no sugghjetti ribassu, appiù a l'IVA illa misura di legghji (al 22%) pal lu trettu intreu cunsidaratu, calculatu innantu a la basi di lu costu orario unitariu a euro 20,71 Iva esclusa pal dipendenti di categoria A/2 del CCNL pal li trabaddhadori di li Cooperativi;

RICHJAMATU l'alt. 7, comma 2, di lu D.L.52/2012 cambiatu illa Legghji 94 di lu 06/07/2012 "Spending review" chi imponi a tutti li pùbbrichi amministrazioni chi pal l'acquisti di beni e silvizi di impoltu di suttu a la soglia di rilievu comunitariu sò tinuti a fa ricossu a lu malcatu elettronicu di la pùbblica amministrazioni o sia a altu malcati elettronichi istituiti a li sensi di l'alticculu 328 comma 1 di lu regulamntu di cui a lu decretu di lu Presidenti di la Repùbblica di la dí 5 di santigaini di lu 2010 n. 207;

DATU ATTU chi lu stessu Còdici di li cuntratti pùbbrichi ani una clausola di salvagaldia ("A palti li legghji in vigori innantu a li cooperativi sociali e innantu a l'impresi sociali") chi inghjitta chi tuttu lu chi rigalda la cooperazioni sociali felma pienamenti in vigori, risultendi cunfilmata l'intangibilitai di la relativa normativa pal cantu atteni a l'affidamenti diretti comu si intendi ill'alt. 5, comma 1;

RITENUTTU chi chi lu ghjà zitatu silvìziu di pulizia e sistemazioni di li stradi extraulbani chi s'agattani illu tarratoriu comunali, possia esse affidatu a una Cooperativa Sociali di tipu B), custituita a li sensi di la L. 381/1991 e di la L.R. 23/2006 e regolarmenti iscritta a l'Albo regionali, chi garantischia l'insirimentu illu trabaddhu di passoni in situazioni di disagghju sociali cun prifirènzia pal li chi stani in Lungòni e, in palticulari, di li passoni inghjittati e/o signalati da lu Silvìziu Sociali di lu Comuni tra li sugghjetti in cundizioni di disabbilitai e disagghju comu priistu da la ghjà chjamata Legghi 381/1991, cun la modalitai di l'affidamentu direttu pal lu trettu di un annu, eventualmenti chi si pó rinnuà pal un alt'annu a insindacabili 'judiziu di l'Amministrazioni Comunali;

VISTU l'alt. 32 di lu Còdici di li cuntratti chi, a li primmi tre commi, ricitigghja: "Alt. 32 - Fasi di li proceduri di affidamentu:

1. *Li proceduri di affidamentu di li cuntratti pùbbrichi venini fatti illu rispettu di l'atti di programmazioni di l'amministrazioni agghjudicatori, siddhu priisti da lu prisenti còdici o da li legghji in vigori.*
2. *Primma di l'avviu di li proceduri di affidamentu di li cuntratti pùbblici, l'amministrazioni agghjudicatori decretigghjani o ditilminigghjani di cuntraí, in cunflmitai a li proppi uldinamenti, inghjittendi l'elementi essenziali di lu cuntrattu e li criteri di silizioni di l'oparadori economichi e di l'offelti.*
3. *La silizioni di li paltecipanti avveni pal mezu di unu di li sistemi priisti da lu prisenti còdici pal l'individuazioni di li sugghjetti uffarenti.*

VISTU l'alt. 192 di lu D.Lgs. di la dí 18 di austu di lu 2000, n. 267, chi ricitigghja: "Alt. 192 - Ditilminazioni a cuntrattà e relativi proceduri:

1. La stipulazioni di li cuntratti dé esse prizziduta da apposita ditilminazioni di lu responsabbili di lu prucidimentu di spesa, e inghjitta:
 - a) *lu fini chi cun lu cuntrattu si intendi pissighí;*
 - b) *l'ugghjettu di lu cuntrattu, la so' folma e li clausoli ritinuti essenziali;*
 - c) *li modalitai di sciòdaru di lu cuntraenti ammissi da li dispusizioni in vigori in materia di cuntratti di li pùbblici amministrazioni e li rasgioni chi ni sò a la basi;*
2. S'applichigghjani, in dugna casu, li proceduri priisti da la legghji di l'Unioni Europea recepita o cantecali chi vigi ill'uldinamentu 'juridicu italianu00";

VISTA la ditilminazioni di l'AVCP n° 3 di lu 01/08/2012 chi fruni li lini ghida pal l'affidamenti a cooperativi sociali a li sensi di l'alt. 5, comma 1, di la legghji n. 381/1991;

RICHJAMATI:

- lu Statutu Comunali;
- lu Regulamentu di Cuntaduria;
- la Legghji 381/1991 e sighbenti mudificazioni e intigrazioni;
- lu Decretu Legislativu n.50/2016, cume mudificatu e intigratu cun D.Lgs. n.56/2017, da la Legghji n.55/2019 e in ultimu da lu D.L. n.76/2020, cambiatu in legghji n. 120/2020;

VISTU lu Decretu Legislativo di la dí 18 di austu di lu 2000 n. 267, recante Testo Unicu di li legghji innantu a l'uldinamentu di l'Enti locali, e sighbenti mudificazioni e integrazioni;

VISTU lu pareri espressu innantu a la prupposta di pruvvidimentu chi v'è ill'ugghjettu, chi chici in calce si ripolta "Fauréuli" a li sensi di l'alt. 49 "Pareri di li Responsabbili di li Silvizi" di lu D. Lgs.267/2000, comu sostituitu da l'alt. 3, comma 2, di lu D.L. 10.10.2012, n. 174, di lu Responsabbili di lu Silvíziu, chi n'attista la regolaritai tennica (di pareri contabbili no necessita);

Cun voti unànimi, espressi illi folmi di ritu

Dilibbarigghja

-pal li muttii ditti in primissa e chi si intendini chici integralmenti ripultati pal fanni palti intigranti, fulmali e sustanziali, cantu sighi:

1. Di appruà cali attu di indirizzu pal la fatta di lu silvíziu di "Pulizia di li stradi (banchini e cunetti); posti illi stradi fora di lu paesi chi s'agattani illu tarratòriu comunali di Lungòni", pal mezu di cunvéniu direttu cun li cooperativi sociali o consolzi tra cooperativi a li sensi di l'alt. 5 di la legghji 381/91, comu mudificatu da l'alt. 20 di la legghji di la dí di friagghju di lu 1996, n. 52, rigulalmanti iscritta a l'Albu regionali, chi garantischia l'insirimentu illu trabaddhu dilli passoni in situazioni di disagghju sociali cun prafarènzia pal li chi stani in Lungòni e, in palticulari, di li passoni inghjittati da lu Silvíziu Sociali di lu Comuni tra li sugghjetti, in cundizioni di disabbilitai e disagghju comu priistu da la Legghji 381*1991 subbra richjamata, cun la modalitai di l'affidamentu direttu pal lu trettu di dui anni, eventualmenti rinnovabbili pal ulteriori dui anni, a insindacabbili 'judiziu di l'Amministrazioni Comunali;
2. Di dà attu, chi l'affidamentu di lu silvíziu inghjittatu in ugghjettu, avveni in déroga a la disciplina in materia di cuntratti di la pùbblica amministrazioni e chi l'impoltu, a lu nettu di l'IVA sia di suttu di l'impolti stabbiluti da li direttivi comunitari in materia di appalti pùbblici, a cooperativa sociali chi svolghia l'attivitai chi dicini ill'alt. 1, comma 1, littara B) –
L. 381/91, basta chi chistu cunvéniu sia finalizzatu a crià oppoltunitai di trabaddhu pal li passoni debbuli e disagghjati comu dici l'alt. 4, comma 1, L. 381/1991, e pissighini la specifica finalitai di uffrí trabaddhu pacatu e stabbili a li fini di lu collocamentu in un veru circuito sociali e produttivu;
3. Di dà attu, appiù, chi venarà iinghjittata pal l'affidamentu trattatu illa Cooperativa sociali di tipu B chi pissghi tutti li scopi priisti da la legghji in vigori in materia e, paltantu, di appruà lu schema in cunvéniu, alligatu a la prisenti dilibbaazioni pal fanni palti intigranti e sustanziali ;
4. di dà attu, appiù, chi a lu Respondabbili di lu Sittori Ópari Pùbblici e Informatica, spetta l'aduzioni di tutti l'atti di gistioni nizissari pal dà pratica attuazioni a lu prisenti pruvvidimentu, cumpresa l'appruzioni di lu "Disciplinari Tennicu" pal lu silvíziu di "Pulizia di li stradi (banchini e cunetti), posti illi stradi fora di li paesi chi s'agattani illu tarratòriu comunali di Lungòni" e la suttuscrizioni di lu Cunvéniu in ugghjettu, autorizzendilu a appruà eventuali mudifichi e integrazioni fulmali hi si rindessini nizissari e oppoltuni in fasi di stipulazioni di l'attu, illu rispettu di li principi di efficiènzia e efficaci;
5. Di appruà, a li sensi di li dispusizioni legislativi in primissa zitati, la perizia tennicu esecutiva relativa a l'appaltu di lu silvíziu di pulizia di stradi (banchini e cunetti), posti illi differenti stradi chi s'agattani fora di lu paesi, chi s'agattani illu tarratòriu comunali, scritta da lu Sittori Ópari Pùbblici e informatica a filma di l'Alch. Fabiano MUTZU MARTIS, Funzionàriu Responsabbili di lu Sittori Ópari Pùbblici, Demaniu, Ptrimòniu, Ambienti e Informatica, da lu cali si evinci un complessivu impoltu annuali di € 52.617,37 , di li cali € 43.128,99 (di li cali € 41.613,02. Pal trabaddhi a basi di gara, e € 1.515,97 pal l'oneri pal la siguresa no sugghjetti a ribassu d'asta), appiù a € 9.488,38 pa' IVA a lu 22%;
6. di dà attu chi la complessiva spesa di € 52.617,37 di cui a lu prisenti pruvvidimentu agatta carragghju illu capitolo 6880- di lu bilànciu di priidènzia pal l'eselcíziumu finanziàriu 2022, chi è vienendi a appruzioni;
7. Di ingarrigà lu responsabbili di lu Sittori Ópari Pùbblici e Informatica, a tali chi pruvvidia a l'indizioni di gara e alu fulmali impegnu di spesa;

8. Di trasmittí l'atti a l'uffici cumpitenti pal lu sighí di la pratica;
9. Di dichjarà la presenti dilibbarazioni subitamente eseguibbili a li sensi e pal l'effetti di cui a l'art. 134, 4' comma, di l'ul D.Lgs. nr. 267 di lu 18.08.2000.

Lettu, cunfirmatu e sottuscrittu

La Síndaca
Nadia Matta

Lu Vice Segretàriu
Dott.ssa Maria Vittoria Rasenti
(attu sottuscrittu digitalmente)